

Schnittertanz

1. Chüechligschmack i jedem Hus d'Schnitter fästid d'Ärn isch us, alt und jung,
gross und chly, lönd hütt feufi grad la sy.
Meitschi Buebe Frau und Ma, fast s'hinderst Bei wo no cha gah, ziehnd voll
Freud zum Pintefranz, läbid uf im Schnittertanz.
2. D'Musig spielt heidideldum, alles fährt jez z'ringelum, Bur und Chnächt, rych
und arm, schwizid drob dass Gott erbarm.
Eins zwei drei vier ganz exakt, so flügid d'Röck im Polkatakt, zündid grad wie
höhli Blitz Meitschibei und Hosespitz
3. Wies so gahd bi Spiel und Wy, stellt si nadigs d'Liebi y, stüpft e Bueb, stüpft es
Chind, gahd mit beidne abem Wind.
Sälig glänzid Augepaar und grad wie do vor hundert Jahr, chymid d'Schoss
zum Hochzigchranz, Schuld isch nur de Schnittertanz.
Ref: La la hop sa sa vallera hop sa sa
la la hop sa sa hop sa sa sa - vallera